



Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1849

II. Ablaßbrief des Bischofs Rutger von Brandenburg für das Wunderblut in Belitz, vom 22. August 1247.

[urn:nbn:de:hbz:466:1-54022](#)

decuribus, piscationibus, molendinis, uii et iuuiis, exitibus et redditibus, questis et inquirendis, aliisque appendicis, quae adhuc dici aut inueni aut nominari possunt, praetitulatae aeclesiae sancti mauricii pro concambio in proprium tradidimus eo tenore, ut eiusdem loci archipraesul de praefato burguardio liberam ad usum aeccliae sancti mauricii quam uelit potestatem habeat. Et ut haec nostrae auctoritatis traditio ac commutatio nunc et in perpetuum firma perfeueret, hanc paginam inde conscriptam manu propria corroborantes sigillo nostro signari iussimus.

Hildibaldus episcopus et cancellarius ad uicem
Willigisi archiepiscopi recognoui.

Signum domini ottonis gloriosissimi imperatoris augusti. Data VI. idus Junii anno dominicae incarnationis DCCCC. XC. VII. Indict. X anno uero tercii ottonis regnantis XIII. Imperii primo. Actum arneburg feliciter amen.

Actus dem Liber privilegiorum S. Mauricii in Magd. fol. 38. 39. im Geh. Rab.-Archive in Berlin.

**II. Abläfbrief des Bischofes Rutger von Brandenburg für das Wunderblut in Belitz,
vom 22. August 1247.**

Rucherus, Dei gratia Brandenburgensis Episcopus, universis Christi fidelibus per Brandenburgensem dioecesin constitutis eternam salutem et veram in Domino charitatem. In turbine raptus Elias in caelum reliquit quod ei ceciderat pallium Heliseo. Resurgens et ascendens Christus in altum a turbine passionis et mortis, pallium suum reliquit Ecclesie sue sancte, sub ipso pallio igitur visitande, sub pallio, quod coenans texuit, qua in coena se operuit jam comedendus, sub pallio, quod est inuisibilis rei uisibile datum signum, sub pallio quod est ineffabile illud sui corporis sacramentum. Verum cum in agro ejusdem Viri Job sint boves arantes et pascentes asinae iuxta illos sunt forsitan non de merito sed de numero filios ecclesie simplicium mentium ac iudicum qui nondum credunt Jesum latibulum suum in tenebris posuisse in sacramentorum latentibus et occultis qui uel dubitando mirantur uel dubitando admirando tantum inhabitatorem sub pallio illius habitos habitare, iis quoniam simpliciter errant et simplicitatem erroris nulla defensione tuentur de multa sua clementia revelat pater carnem et sanguinem crucifixi et robur Christiane fidei sacramentum confirmando. Evenit etiam ut quia tanti sacramenti virtus creditur et credita predicator, quidam simplices nimis auu trahunt ipsam sacramenti gratiam in abusum, in abusione sacrilegam, fortilegam vel aliis modis nefariam et nefandam. Cuius reatus quamquam Dominus dissimulet aut differat ultiōem, aperit tamen innocentibus fidei veritatem, sicut in oppido dioecesis nostre Belitz credimus nuper per misericordiam Dei gratiam claruisse. Venientibus igitur ad eundem locum proxima die assumptionis S. Marie virginis ad stationem istius ecclesie vel quacunque hora venierint ad venerandum nostre fidei sacramentum corde contritis et ore confessis auctore Domino quadraginta dies de injunctis sibi poenitentiis misericorditer relaxamus, Reſpicientes salvatoris Misericordia studium et merita singulorum de longe venientium secundum deuotionis

verum affectum et impedimentum facultatis et operam itineris et laboris. Datum Beliz anno Domini MCCXLVII. XI^o calend. Septembr. Pontificatus nostri anno quinto.

Nach Paul Creusing's Abschrift des jetzt verlorenen Originals, Mspt. der Königl. Sächs. Bibliothek in Dresden und der Leipziger Staatsbibliothek.

III. Ablafßbrief des Bischofes Conrad von Meißen für die Kirche zu Belitz,

vom 28. Mai 1252.

Conradus, Dei Gratia Misnensis episcopus, uniuersis Christi fidelibus eternam salutem et veram in Domino caritatem, Quoniam ut ait Apostolus omnes stabimus ante tribunal Christi etc. — Cum igitur ex seminibus terrenorum coelestia metere possitis, uniuersitatem vestram rogamus, monemus et in remissionem peccatorum vestrorum vobis injungimus, ut ad structuram ecclesie in Belitz pias eleemosynas erogetis. Nos quoque omnipotentis Dei misericordia et nostra auctoritate confisi omnibus, qui ad opus dictae ecclesie suas erogauerunt Eleemosynas propter Deum, XL dies injuncte poenitentie si vero contriti fuerint et confessi misericorditer relaxamus. Datum Magdeburg. Anno Domini MCCLII. V^o calend. Junii Pontificatus nostri anno XII.

Aus Paul Creusing's Abschrift des jetzt verlorenen Originals, Mspt. der Königl. Sächs. Bibl. in Dresden und der Leipz. Staatsbibliothek.

IV. Ablafßbrief des Bischofes Heinrich von Havelberg für die Kirche zu Belitz,

vom 1. Juni 1252.

Henricus, Dei gratia Havelbergensis ecclesie Episcopus, fidelibus universis presentem pagellam inspecturis in Christo salutem. Cum inter alias, que peccatorum sunt delinimenta virtutes locum eleemosyne habiliorem obtinent et precipue acceptatum, quia sicut aqua ignem ita eleemosyna extinguuit peccatum, eandem omni censemus studio imitandam et quemadmodum nemo liber est a culpa ita per hanc a venia nemo manet alienus. Hinc est, qvod in oppido Belitz Brandenburgensis dioecesis structura in honorem Domini laudabiliter sit incepta et absque succurso fidelium nequeat consumari, deuotionem vestram rogamus, monemus in Domino, salubriter hortamur, quatenus de bonis uobis a Deo collatis eidem pia caritas subsidia erogetis, ut per uestram subventionem consummationi Domini operis consuletur et uos per hec et alia bona que conspirante Domino facitis ad eternam mereamini patriam peruenire. Nos vero de Dei omnipotenti et Apostolorum Petri et Pauli auctoritate confisi omnibus dicto loco suas eleemosynas secundum quod Deus unicuique inspirauerit porri-